

Rudy singkir pesilat Jerman Barat untuk ke pertandingan akhir



● KEMEGAHAN NEGARA ... Rudy Mohamed Sharom (kiri) mengalahkan pesilat Jerman, Wolfram Schindler. — Gambar BM KARIM ISKANDAR.

Oleh YUSOFF RAHMAN
dari Stadium Bedok

RENUNGANYA tajam, gerak langkahnya teratur, tendangannya bertena-
naga dan penumbuknyamantap.

Dengan segala kelebihan ini, di samping ketangkasan bertindak dan kecerdasan berfikir, Rudy Mohamed Sharom, menewaskan Wolfram Schindler dari Jerman Barat dalam peringkat separuh akhir Kejohanan Silat Undangan Antarabangsa Kelas F Putra, di Dewan Sukan Bedok, malam tadi.

28 AUG 1988

Jadi, sebelum nama siapa yang akan diumumkan sebagai pemenangnya, para penonton bagaikan telah mengetahui keputusannya.

Keputusan kelima-lima juri yang memberi kemenangan kepada Rudy mengesahkan betapa peserta Republik telah menguasai pertarungan melalui strategi yang bijak.

Bagi Rudy, 20 tahun, ini adalah pertama kali beliau bertarung di gelanggang antarabangsa.

Tetapi yang jelas wajahnya tetap memancarkan riak seorang pahlawan yang bagaikan pernah bertempur di medan antarabangsa dan keyakinannya itu sebenarnya adalah tunggak kekuatannya.

Berita Minggu

"Saya tidak pernah gugup sekalipun ini adalah pertama kali saya menyertai kejohanan antarabangsa," kata Rudy.

Dalam silat, tegasnya, apa yang penting ialah menggunakan akal dalam mengatur strategi dan bertindak.

"Dalam pada itu, kemenangan saya

ini turut dibantu oleh sokongan moral daripada para penonton, guru dan rakan-rakan saya yang lain."

Dengan kemenangan ini, Rudy akan berentap pula dengan Wan Adnan Wan Isa dari Malaysia yang sebelum ini mengalahkan Igm Semara Jaya dari Indonesia.

Mengulas pertemuannya dengan Wan Adnan nanti, Rudy berkata: "Saya akan cuba."

Berita Minggu

Sejak dari babak pertama, Rudy telah membayangkan siapakah yang lebih gagah. Bahkan, beliau lebih mengancam, sementara Schindler lebih suka bertahan.

Kedua-duanya saling rempuh-rempuh dengan Rudy sentiasa mencari ruang untuk membuat tendangan dan tumbukan ke arah sasarannya.

Sekali-kali, Rudy juga menjadi mangsa penumbuk Schindler.

Dalam babak kedua dan ketiga, Rudy banyak mengutip mata setelah menjatuhkan pesilat Jerman dua kali.

Bahkan, dalam babak ketiga, Schindler nampak tercungap-cungap sedang Rudy masih bersemangat.

Keputusan lain: Kelas G Putra — Robby Poelstra (Belanda) khl Hasbi Thala (Indonesia); Abdul Malek Taib (Singapura) khl Guillaume Smith (Surinam).

28 AUG 1988

Kelas A Putri — Nazran Laltiff (Malaysia) khl Azizah Junied (Singapura); Anisa Rohmat (Indonesia) khl Muni Demang (Brunei).

Kelas C Putri — Michaela Bryant (Brunei) khl Zaiton Sanin (Singapura).

Kelas A Putra — Mohamed Basri (Malaysia) khl Abdul Latiff Tambi (Singapura).